



# **Universitätsbibliothek Paderborn**

**Formularium Episcopale**

**Barbosa, Agostinho**

**Coloniae Agrippinae, 1680**

49. Regulares tam Monachi, qua[m] Fratres quorumcunq[ue] Ordinum etiam Mendicantium in processionibus & publicis actibus, non debent Canonicos, Rectores, & Clericos saeculares praecedere, nec cum eis ...

**urn:nbn:de:hbz:466:1-10456**

Regulares tam Monachi, quam Fratres quorumcunque Ordinum etiam Mendicantium in processionibus, & publicis actibus non debent Canonicos, Rectores, & clericos saeculares praecedere, nec cum eis mixtim incedere, & in universo Regno Castellæ & Legionis cleris saecularis in omnibus locis etiam Conventibus & propriis Ecclesiis eorundem Religiosorum præferri debet.

## XLIX.

Part. 3. alleg. 78.

GREGORIUS Papa XV. ad perpetuam rei memoriam.

**A** Liás à fel. rec. Clemente Papa VIII. prædecessore nostro emaverunt litteræ tenoris subsequentis. Videlicet Clemens Papa VIII. ad futuram rei memoriam. Decet Rom. Pont. dissensionum & controversiarum materias inter Ecclesiasticas saeculares, & Regulares personas è medio tollere, ac præcidere, prout in Domino salubriter consipicit expedire. Cum itaque, sicut accepimus in aliquibus Regnum Hispaniarum partibus nonnulli Religiosi, & Ordinum Mendicantium prætentant Clerum saecularem in funerum associatione, processionibus, & aliis actibus publicis præcedere, allegantes aliquam consuetudinem, vel potius abusum, & eo prætextu Clerum ipsum

sæcularem perturbent. Nos utriusque Cleri saecularis & Regularis quieti consulere, & omnem controversiarum occasionem inter eos removere, quantum cum Domino possumus, cupientes ex decreto etiam venerabilium fratrum nostrorum S. R. E. Cardinalium super sacris ritibus, & cæremoniis deputatorum, harum serie perpetuo decernimus & declaramus Regulares tam Monachos, quam Fratres quorumcunque Ordinum etiam Mendicantium in funerum associatione, processionibus, & aliis hujusmodi publicis actibus non debere Canonicos, Rectores, & Clericos saeculares præcedere, neque cum eis mixtim incedere, etiamsi aliquando ex saecularium indulgentia aut humanitate, seu alia forsitan de causa securus factum fuerit, & quamcunque contrariam consuetudinem tanquam abusum corrigendam esse, idque indubitate juris existere, ac ita ubique locorum in Regnis Hispaniarum perpetuo observari debere, sique & non aliter per quoscunque judices Ordinarios & Delegatos etiam causarum Palatii Apost. Auditores sublata eis, & eorum cuiilibet quavis aliter judicandi, & interpretandi facultate & auctoritate, judicari & definiri debere, ac irritum & mane si securus super his à quoquam, quavis auctoritate scienter vel ignoranter contigerit attentari. Quocirca venerabilibus fratribus Archiepiscopis Toletanis & Hispaniæ, ac dilecto filio nostro & Apostolicæ Sedis in Regnis Hispaniarum Nuntio per præsentes committimus,

Gg 3 &amp; man-

& mandamus, ut ipsi vel duo, aut unus  
iporum per se, vel alium, seu alios  
præsentes litteras, & in eis contenta  
quæcunque ubi, & quando opus fue-  
runt solemniter publicantes, & Clero sæ-  
culari in præmissis efficacis defensionis  
præsidio assistentes faciant auctorita-  
te nostra, eadem præmissa ubique per-  
petuo observari. Contradictores quo-  
cunque per censuras, & pœnas Eccle-  
siasticas aliqua opportuna juris, & fa-  
cti remedia, appellatione postposita,  
compescendo, invocato etiam ad hoc,  
si opus fuerit, auxilio brachij sacerdotalis.  
non obstantibus fel. rec. Bonifacii Pa-  
pæ VIII. prædecessoris nostri se una,  
& in Concilio generali edita de duabus  
dieta, dummodo ultra tres dietas ali-  
quis auctoritate præsentium ad judici-  
um non trahatur, aliisque Apostolicis  
Constitutionibus & ordinationibus, &  
quibuscumq; statutis, & consuetudini-  
bus, & etiam juramento, confirmatione  
Apost. vel quavis firmitate alia robora-  
tis, privilegiis quoq; indultis, & litteris  
Apost. quibusvis, ex dictis Regula:ibus,  
eorumque Ordinibus, ac Superioribus,  
& personis sub quibuscumq; tenoribus,  
& formis in contrarium præmissorum  
quomodolibet concessis, confirmatis,  
& approbatis. Quibus omnibus & sin-  
gulis eorum tenores præsentibus pro  
expressis habentes, hac vice duntaxat  
specialiter, & expressè derogamus, cæ-  
terisque contrariis quibuscumque. Vo-  
lumus autem, ut præsentium transum-  
ptis etiam impressis manu Notarij pu-  
blici subscriptis, & Sigillo alicujus per-  
sonæ in dignitate Ecclesiastica constitu-

tæ munitis, eadem ubique fides habe-  
tur, quæ eisdem præsentibus haberetur.  
Datum Romæ apud S. Petrum sub an-  
nulo Piscatoris, die 20. Februarii 1601.  
Pontif. nostri anno 10. *Aliæ Clemens*  
Papa VIII. ad perpetuam rei memo-  
riam. Quæ ad removendum differen-  
tias inter Ecclesiasticas, sacerdotes, &  
regulares personas exortas pertinent,  
ea mature decernimus, prout in Do-  
mino conspicimus expedire. Alias si-  
quidem ex voto, & venerabilium fra-  
trum nostrorum S.R.E. Cardinalium  
super Sacris Ritibus, & cæremoniis de-  
putatorum decretimus Clerum sæcu-  
larem in universo Regno Castellæ &  
Legionis, Fratribus, Monachis, & aliis  
Regularibus quibuscumque præferen-  
dum esse in omnibus processionibus,  
& aliis actibus publicis, prout in no-  
stris desuper in forma Brevis expeditis  
litteris, quarum tenorem præsentibus  
pro expressis haberi volumus, plenus  
contineatur. Cùm autem, sicut nuper  
aceperimus, aliquando contingat Cle-  
rum sæcularem ad Ecclesiæ regulariæ  
ex quavis causa accedere, & eo tempore  
nonnulli dicti Regni regulares præce-  
dentium dicto Clero sæculari in eorum  
propriis Ecclesiis dare recusent, præten-  
dentes forsitan casum hujusmodi in præ-  
dictis litteris nostris minimè compre-  
hendi. Quare Nos omnem in præmis-  
sis dubitandi occasionem è medio tol-  
lere volentes, ex voto eorundem Car-  
dinalium Congregationis Sacrorum  
rituum harum serie decernimus, & de-  
claramus Clerum sæcularem prædictū  
in omnibus locis etiam in propriis Ec-  
clesiis,

clesiis, & Conventibus Fratrum Monachorum, & Religiosorum quorūcunq; in universo Regno Castellæ, & Legionis, juxta tenorem prædictarum litterarum præferendū esse, ac præcedere debere, siveque & non aliter per quoseunque judices Ordinarios, & delegatos etiam causarum Palatii Apost. Auditores judicari, & diffiniti debere, ac irritum & inane si securus super his à quoquā quavis auctoritate, scienter, vel ignoranter cōtigerit attentari. Quocirca venerabili fratri Ar. hiepil. Tolet. ac dilecto filio nostro Apost. Sedi in Regnis Hispaniarum Nuntio, & causarū Curia Cameræ Apost. generali Auditori per præsentes committimus, & mandamus, quatenus ipsi, vel duo, aut unus eorum per se, vel alium, seu alios, præsentes litteras, & in eis contenta quæcunque, tibi, & quando opus fuerit, & quoties pro parte alicujus ex Clero sacerdotali fuerint requisiti, solemniter publicantes, ac illis in prænissis efficacis defensionis præsidio assistentes, faciant illos præmissorum eorundem effectu pacificè frui, & gaudere, non permittentes illos desuper à quoquam quavis auctoritate quomodolibet indebet molestari. Contradictores quoescunque per Censuras, & pœnas Ecclesiasticas, aliaque opportuna juris & facti remedia, appellatione postposita, compescendo, invocato etiam ad hoc, si opus fuerit, auxilio brachii sacerdotalis. Non obstantibus fel. rec. Bonifacii Papæ VIII. prædecessoris nostri de una, & in Consilio generali edita de duabus dietis, dummodo ultra

tres dietas aliquis auctoritate præsentium ad judicium non trahatur, aliisque constitutionibus, & ordinacionibus Apostolicis, ac quibuscunque statutis, ac consuetudinibus, & iuramento, confirmatione Apostolica, vel quavis firmitate alia roboratis, privilegiis quoque indultis, & litteris Apostolicis in contrarium præmissorum quomodolibet concessis, confirmatis, & approbatis, ceterisque contrariis quibuscunque. Datum Romæ apud S. Petrum sub anulo Piscatoris, die 5. Novemb. 1603. Pontificat. nostri anno 12. Nos, ut facilius, & cum majori quiete controversiæ, quæ desuper exoriri possunt, sedentur, & locus scandalis non relinquatur, quantum cum Domino possimus, providere volentes, supplicationibus etiam dilecti filii Ludouici de las Infantas & Saavedra Archidiaconi de Antequera nuncupati, & Canonici Ecclesiaz Malacitanæ dicti Cleri sacerdotalis procuratoris noviter Nobis super hoc humiliter porrectis inclinati. De venerabilium fratrum nostrorum S. R. E. Cardinalium negotiis Episcoporum, & regularium præpositorum Consilio, quibusvis locorum Ordinariis in Regnis Hispaniarum existentibus per præsentes committimus, & mandamus, quatenus ipsi vel duo, aut unus eorum per se, vel alium, seu alios præsentes litteras, & in ea contenta quæcunque ubi, & quando opus fuerit, & quoties pro parte alicujus ex Clero sacerdotali hujusmodi fuerint requisiti solemn-

solemniter publicantes, ac in præmissis efficacis defensionis præsidio assistentes faciant illos præmissorum eorumdem effectu, pacificè frui, & gaudere, non permitentes illos desuper à quaque quam quavis auctoritate quomodolibet indebet molestari. Contradictores quoscumque per Censuras, & penas Ecclesiasticas, aliaque opportuna juris & facti remedia appellatione postposita compescendo, invocato etiam adhoc, si opus fuerit, auxiliij brachij sæcularis. Non obstantibus omnibus illis, quæ in præinsertis litteris concessa sunt non obstat, ceterisque contrariis quibuscumque. Dat. Romæ apud S. Mariam Majorem sub annulo Piscatoris die 3. Augusti 1622. Pontif. nostri anno 2.

S. Card. de Susanna.

Decreta de celebratione Missarum auctoritate Urbani VIII. à Sacra Congregat. Concilij edita.

L.

Vide supra fol. 118.

De Regularibus, apostatis, & ejectis decreta iussu Urbani VIII. à Sacra Congreg. Concilij edita.

L.I.

Vide supra fol. 128.

De non addendis, Kalendario, & Missali sanctorum officiis. adhuc non concessis, & Missis non approbatis.

L.II.

Vide supra fol. 131.

Contra Ordinantes, & male Ordinatos.

L.III.

Vide supra fol. 132.

Circa accessum Regularium ad Monasteria Monialium, ad colloquendum cum eis conceditur, & prescribitur facultas Ordinatiis.

L.IV.

Vide supra fol. 136.

Quod Capitula Ecclesiarum Cathedralium, quibus S. R. E. Cardinales præsunt ex Indulsi conferendi beneficia Ecclesiastica reservata, vel affecta eisdem Cardinalibus concessis nullum jus prætendere possint.

L.V.

Vide supra fol. 138.

Quod S.R.E. Cardinales Ecclesiarum Præfules indulta conferendi beneficia Ecclesiastica ratione Ecclesiarum, quibus præsunt, vel quorum regimini ultimo loco cesserunt, duntaxat uti possint.

L.VI.

Vide supra fol. 139.

Confirmatio & innovatio regulæ Cancelleriae, decreti Cameræ Apost. & constitutionum fel. rec. Julij III. quoad fructus beneficiorum Ecclesiasticorum inexhaustos.

L.VII.

Vide supra fol. 140.

Revo-